



UNIVERSITÄTS-
BIBLIOTHEK
PADERBORN

Avrea Gemma Christianorvm

Ruben, Leonhard

Paderbornae, 1604

XIII. Christus Dominus magnis miraculis doctrinam suam confirmavit.

[urn:nbn:de:hbz:466:1-68313](https://nbn-resolving.org/urn:nbn:de:hbz:466:1-68313)

eius, cognouerunt quod de ipsis diceret. Et quare nos
 tes eum tenere, timuerunt turbas: quoniam sicut pro-
 phetam eum habebant. Marc. 3. 23. Et conuocatis
 eis, in parabolis dicebat illis: quomodo potest Sata-
 nas Satanam eicere? &c. Ibid. cap. 12. 1. Et coepit
 illis in parabolis loqui, Vineã pastinavit homo, & cir-
 cumdedit sepe, & fodit lacum, & edificauit turrim,
 & locauit eam agricolis, & peregre profectus est.

CAPVT XIII.

Christus Dominus magnis miraculis doctrinam
 suam confirmauit.

FIGURAE. Moyses educturus filios Israël
 ex Aegypto claruit magnis miraculis. Deut.
 34. 11. 12. In omnibus signis atq; portentis, quae mi-
 sit per eum, ut faceret in terra Aegypti Pharaoni,
 & omnibus seruis eius, uniuersaq; terra illius, & cum
 etiam manum robustam, magnaq; mirabilia, quae fe-
 cit Moyses coram uniuerso Israël. Similia Deut.
 4. 32. 33. 34. † 17. 19. † 26. 6. 7. 8. † 29. 2. 3. De
 quibus Exod. 4. 1. 2. 3. 4. 5. 6. 7. 8. 9. 10. 11. 12. 13.
 Et capitibus totis 7. 8. 9. 10. 12. 14.

PROPHETIAE. Psalm. 4. 4. Et sci-
 tote quoniam mirificauit Dominus sanctum
 suum: Dominus exaudiet me, cum clamauero ad
 eum. Psalm. 77. 11. 12. Et obliti sunt benefactorum
 eius, & mirabilium eius, quae ostendit eis. Coram
 patribus eorum fecit mirabilia in terra Aegypti in
 campo Taneos. Vers. 43. Sicut posuit in Aegypto
 signa sua, & prodigia sua in campo Taneos. Psalm.

104. 27. Posuit in eis verba signorum suorum, & prodigiorum in terra Cham. Psal. 134. 9. Et misit signa, & prodigia in medio tui Egypte, in Pharaonem, & in omnes seruos eius. Mai. 35. 4. 5. 6. ve fol. 9.

VERITAS. Matt. II. 4. 5. 6. Et respondens Iesus, ait illis: euntes renunciate Ioanni, quia audistis & vidistis, cæci vident, claudi ambulant, leprosi mundantur, surdi audiunt, mortui resurgunt, pauperes euangelizantur: & beatus est qui non fuerit scandalizatus in me. Ibid. cap. 21. 15. Videntes autem principes sacerdotum & scribae mirabilia que fecit, & pueros clamantes in templo, & dicentes: Hosanna filio David, indignati sunt. Marc. 16. 17. 18. 19. 20. Signa autem eos qui crediderint, hæc sequentur, in nomine meo demonia eicient, linguis loquentur nouis, serpentes tollent, & si mortiferum quilibet biberint, non eis nocebit: super agros manu imponent, & bene habebunt. Et Dominus quidem Iesus postquam locutus est eis, assumptus est in celum, & sedet à dextris Dei. Illi autem profecti prædicauerunt ubiq; Domino cooperante, & sermonem confirmant, sequentibus signis. Luc. 5. 26. Et stupor apprehendit omnes, & magnificabant Deum. Et repleti sunt timore, dicentes: quia vidimus mirabilia hodie. Ioan. 2. 11. Hoc fecit initium signorum Iesus in Cana Galilææ: & erat mater Iesu ibi. Verl. 18. 19. 20. Zelus domus tue comedit me. Responderunt ergo Iudei, & dixerunt ei: quod signum ostendis nobis quia hæc facis? Respondit Iesus, & dixit eis: sol-

uite templum hoc, & in tribus diebus excitabo illud.
 Dixerunt ergo Iudei: quadraginta & sex annis aedificatum est templum hoc, & tu in tribus diebus excitabis illud? Ibid. cap. 3. 2. Hic venit ad Iesum nocte, & dixit ei: Rabbi, scimus quia a Deo venisti magister: nemo enim potest haec signa facere, quae tu facis nisi fuerit Deus cum eo. Cap. 4. 48. 49. 50. 51. 52. 53. 54. Dixit ergo Iesus ad eum: nisi signa & prodigia videritis, non creditis. Dicit ad eum regulus: Domine descende priusquam moriatur filius meus. Dicit ei Iesus: vade, filius tuus vivit. Credidit homo sermoni, quem dixit ei Iesus, & ibat. Iam autem eo descendente, serui occurrerunt ei, & nuntiaverunt, dicentes: quia filius eius viveret. Interrogabat ergo horam ab eis, in qua melius habuerit, & dixerunt ei: quia heri hora septima reliquit eum febris. Cognovit ergo pater, quia illa hora erat, in qua dixit ei Iesus, filius tuus vivit: & credidit ipse, & domus eius tota. Hoc iterum secundum signum fecit Iesus, cum venisset a Iudaea in Galilaeam. Capit. 5. 36. 37. 38. Ego autem habeo testimonium maius Ioanne: opera enim, quae dedit mihi Pater ut perficiam ea: ipsa opera, quae ego facio, testimonium perhibent de me, quia Pater misit me: & qui misit me Pater, ipse testimonium perhibuit de me: neque vocem eius unquam audistis, neque speciem eius vidistis, & verbum eius non habetis in vobis manens; quia quem misit ille, huic vos non creditis. Capit. 6. 1. 2. Post haec abiit Iesus trans mare Galilaeae, quod est Tyberiadis: & sequebatur eum multitudo magna, quae

quae

quia videbant signa, quae faciebat super his, qui in
firmabantur. Vers. 13. 14. Collegerunt ergo, & im-
pleuerunt duodecim copulinos fragmentorum ex quin-
que panibus ordeaceis, quae superfuerunt his, qui
manducauerant. Illi ergo homines cum vidissent
quod Iesus fecerat signum, dicebant: quia hic est ve-
re propheta, qui venturus est in mundum. Vers.
26. Respondit eis Iesus, & dixit: amen, amen
dico vobis: quaritis me non quia vidistis signa,
sed quia manducastis ex panibus & saturati estis.
Vers. 30. 31. 32. 33. 34. 35. Dixerunt ergo ei: quid
ergo tu facis signum vt videamus, & credamus
tibi? quid operaris? Patres nostri manducauerunt
manna in deserto, sicut scriptum est: panem de caelo
dedit eis manducare. Dixit ergo eis Iesus: amen
amen dico vobis: non Moyses dedit vobis panem de
caelo, sed Pater meus dat vobis panem de caelo verum.
Panis enim Dei est, qui de caelo descendit,
& dat vitam mundo. Dixerunt ergo ad eum: Domine,
semper da nobis panem hunc. Dixit autem
eis Iesus: ego sum panis vitae, qui venit ad me, non
esuriet, & qui credit in me, non sitiet vnquam. Ca-
pit. 7. 31. De turba autem multi crediderunt in
eum, & dicebant: Christus cum venerit, nunquam
plura signa faciet, quam hic facit? Capit. 9. 16.
Dicebant ergo ex pharisaeis quidam: non est hic ho-
mo a Deo, qui sabbatum non custodit; alij autem di-
cebant: quomodo potest homo peccator haec signa fa-
cere? Et scisma erat inter eos. Capit. 11. 47. 48.
Collegerunt ergo pharisaei & pontifices concilium, &

dicebant: quid facimus, quia hic homo multa signa
 facit? si dimittimus eum sic, omnes credent in eum,
 & venient Romani, & tollent nostrum locum & gen-
 tem. Capit. 12. 18. Propterea & obuiam venit ei
 turba: quia audierunt eum fecisse hoc signum. Vers.
 37. 38. 39. 40. 41. 42. 43. Cum autem tanta signa
 fecisset coram eis, non credebant in eum, ut sermo
 Isaia propheta impleretur, quem dixit: Domine,
 quis credidit auditui nostro? & brachium Domini
 cui reuelatum est? propterea non poterant credere,
 quia iterum dixit Isaia: excacauit oculos eorum, &
 indurauit cor eorum, ut non videant oculis, & non
 intelligant corde, & conuertantur, & sanem eos. Hac
 dixit Isaia, quando vidit gloriam eius, & locutus
 est de eo. Veruntamen & ex principibus multi cre-
 diderunt in eum; sed propter phariseos non confite-
 bantur, ut in synagoga non eicerentur: dilexerunt
 enim gloriam hominum magis quam gloriam Dei.
 Capit. 20. 30. 31. Multa quidem & alia signa fe-
 cit Iesus in conspectu discipulorum suorum, quae non
 sunt scripta in libro hoc. Hac autem scripta sunt,
 ut credatis quia Iesus est Christus Filius Dei: &
 ut credentes vitam habeatis in nomine eius. Heb.
 2. 4. Contestante Deo signis & portentis, & varijs
 virtutibus: & spiritus sancti distributionibus secun-
 dum suam voluntatem. Non semper tamen fe-
 cit miracula cum petita fuerunt. Matth. 12. 38. 39.
 Tunc responderunt ei quidam de scribis & pharisaeis
 dicentes: magister, volumus a te signum videre. Qui
 respondens ait illis. Generatio mala, & adultera si-

R

gnus

gnum querit, & signum non dabitur ei, nisi signum
 Iona propheta. Ibid. capit. 16 1. 2. 3. 4. Et accesserunt
 ad eum pharisei & sadducei tentantes: & rogauerunt
 eum ut signum de calo ostenderet eis. At ille
 respondens, ait illis: factu vespere dicitis, serenum erit,
 rubicundum est enim calum. Et mane, hodie tempestas,
 rutilat enim triste calum. Faciem ergo cali
 cali diiudicare nostis, signa autem temporum non potestis
 scire: generatio mala & adultera signum querit,
 & signum non dabitur ei, nisi signum Iona propheta.
 Et relictis illis abiit. Simile Marc. 8. 11. 12. Luc. 11.
 16. 29. 30. Ibidem. capit. 23. 8. 9. 10. 11. Herodes
 autem viso Iesu gauisus est valde, erat enim cupiens
 ex multo tempore videre eum, eo quod audierat multa
 de eo, & sperabat signum aliquod videre ab eo fieri.
 Interrogabat autem eum multis sermionibus. At
 ipse nihil illi respondebat. Stabant autem principes
 sacerdotum & scribae constanter accusantes eum: &
 spreuit autem illum Herodes cum exercitu suo: & illu-
 sist indutum veste alba, & remisit ad Pilatum.
 Porro miracula quae fecit Iesus apud quatuor
 Euangelistas, vide in singulis singulorum titulis
 thesauri nostri biblici, & de his etiam superius
 lib. 1. capit. 5. capit. 16. & 17.

CAPVT XIII.

Christus in monte Thabor transfiguratur.

FIGVRAE. Moysis facies cornuta fuit claritate,
 ut in eam non intenderent filij Israel. Exod. 34. 28. 29. 30. 31. 32. 33. ut fol. 109. 2. Col. 3. 11